

## **Žemaitiškas skaičiuotis**

### **Dvė jūras**

Žemaitėjuo īr dvė jūras:  
Vėina – dèdèlè è sūra,  
Vo ontruoji – kap šniūrātis,  
Nie tēp sūra, nie tēp plati.  
Kėts, ka è labā nuories,  
Dvėjū jūru natories!  
Vot!

### **Žemaitė**

Nosėteikėn labā taikė  
Sosėtėka do žemaitė.  
Pakinkava, pastuovieji  
E padūsavėn noeji.  
Je vėns kėta naožkliova,  
Mosiet, vėskas gerā bova!

### **Dvė pelelės spaudė sūri**

Spaudė sūri dvė pelelės,  
Nator kvīnu nie saujelės!  
Šmurkšt abėdvė i žuolīnus  
Paeiškuot bent bėškė kvīnu.  
Kol anuos tus kvīnus krieti,  
Katėns sūri è sojiedi!

### **Žvieris rada vėina lita**

Avietīni anon dėina  
Žvieris rada lita vėina  
È nosprendė viel padietė  
Ten, kor rada, – po avietiem.  
Vėsad rėktom atsėmintė:  
Kas na tava – tuo najimtė!

### **Dvė bėtelis baidė meška**

Nu medaus ont kopsta vaška  
Dvė bėtelis baidė meška!  
Medos – mums, biteliems – vašks.  
Būs vėsėms gerā!  
È tašks!

## **Tēp tatā**

Līgot pasērēšēs šlipsa  
Pīlēns pri prūdali stīpsa.  
Šiap ons poikos paveizietē,  
Vo vākū nanuor perietē.  
Pīlēns tēktā les ē ger,  
Vo pīleli per ē per.  
Tēp tatā!

## **Nieks namatē**

Nieks namatē, nieks nažēna,  
Kor katie ēšsēdongēna!  
Kon tēk dā keimē stoviejē,  
Vo dabar – ba ba! Ēšejē!  
To ba anuos naparēk,  
Ba anuos mums baisē rēk!  
Ēk!

## **Grūds pri grūda**

Grūds pri grūda,  
Grūds pri grūda –  
Ē toriesi vēsa pūda!  
Cents pri centa, cents pri centa –  
Ē toriesi centu cēntnēri!  
Vo ka tēik anū toriesi –  
Ledū jiesi, kēik nuoriesi!  
Je!

## **Do šonelē sauga būda**

Do šonelē sauga būda:  
Vēins – Margioks,  
Vo ontros – Rudis.  
Tik abodo šmurkšt i būda:  
Pērma – Margis, paskū – Rudis!

## **Bats smaluo pradinga**

Ciku caku, lingu lingu  
Mona bats smaluo pradinga,  
È dabā tuo vēina bata  
Naēštraukso šimta metu.

## **Karkvabalis tor karieta**

Karkvabalis tor karieta  
È karūna siovinieta.  
Je è to tèik daug torietum;  
Jug vēsus pavažēnietum'!

## **Pelēs rada švarka**

Vakar dēina pēnkēs pelēs  
Rada katēna švarkēli.  
È dabā anuos galies  
Anuon vēlktēis ēš eilies.

## **Katēnou nolūža nags**

Siūdams i švarkēli saga,  
Katēns nosēlaužē naga.  
Tēp tuo naga gailo bova,  
Ka è saguos nabprēsiova.

## **Kiauradontis poudus grondē**

Ontis – pontis kiauradontis  
Vēsa dēina poudus grondē.  
È prēgrondēs kuošis bliūda,  
Prisijiedē è ožsnūda.

## **„Maksimuo“ paslīda diedas**

„Maksimuo“ paslīda diedas  
È ont torta atsēsieda.  
Je anam nieks napadies,  
Tēp ons, vargšos, è siedies!  
To ēni pakelt tou dieda,  
Kors ont torta atsēsieda.

## **Ožvarstē**

Tij ožvarstē ožkerietē –  
Niekāp nēn sočiopinietē!  
Branavīku užvarā –  
Vielek rēšas nagerā!  
Nosēpērkso sau gražios,  
Blēzgančios kaliuošokus!  
Būs gerā!

### **Fui**

Sied Mikasē ont palongēs,  
Lēmēnada ger ēš bonkēs,  
Ontruo ronkuo – bolkas trīs.  
Garēntouju, ka pratrīs!  
Fui!

## **Tekiou amēn**

Jouks ont jouka, anon dēina  
Biega Tekis par žardēina.  
Tēk atsētrēnkē i mēita  
Ē, žēnuok, nagīvs ont vēitas!  
Tekiou – amēn!

## **Ba sarmatas**

Babas daržē puo serbētās  
Vēštas sotūpē apēntās!  
Krapā vīst, cēbolis matuos,  
Kapstuos vēštas ba sarmatas!  
Ēk ēšvarītē!

## **Ēk to**

Vakar kuokī joukā bova –  
Slēiks ož kiaulpienes ožkliova!  
Gol ont nogaras ē šauk –  
Kas anon pakeltom, lauk.  
Kas apvers ton slēika,  
Gaus ledū ož dīka!  
Ēk to!

## **Nasėmaišik**

Bimbals lek, varlie – namuok!  
Kuisīs šuok, vēsta – našuok!  
Nieka gera naēšēs,  
Je namuoki, vo maišās!  
Nojē!

## **Pėjuolkas**

Vērš pėjuolku skraida kelis  
Gražēs margas pleštekelis.  
Plestekēs vēs soksēs tēp –  
Ba pėjuolkas skanē kvep!

## **Koloradā**

Ont rupočiu atsėrada  
Pėnkė šimtā koloradu.  
Vēstas nales, šou najied,  
Kor tos žalčios rēktom diet?  
To pasakīk!

## **Štėš!**

Kėimi sena kalakotė  
Kert i nomesta rupotė.  
Je gali vēina lesiuotė,  
Esi dėdeli basuoti!  
Štėš!

## **Dešimt grūšiu**

Jolios dešimt grūšiu nešė,  
Šėšis banešdams sutašė,  
Do atėdavė babūnė,  
Vėina – diedinā Kaziūnė!  
Baisė liūdnā atsėtėka –  
Vėins grūšėlis ė belėka!  
Iškada!

## **Bova kormis atvažiavis**

Polk napoulis, douk nadavis!  
Bova kormis atvažiavis!  
Napasaki, kuo nuorieji,  
Tèk i bezda pažiūrieji,  
Nosèskīni šaka vēina  
È apèntās – i rogèina!  
Vot tēp!

## **Top špuokioks**

Top špuokioks vèršūnie berža  
È mamokou varnas skaržėj:  
„Mama, varnas vara moni  
Èš tuo sauseržè vèršūnès!  
Čir, mamokau, čir, padiek!  
Monès ratavuot atliek!“

## **Žvèrbliu mūšis**

Užvakar suodnè puo grūši  
Matiem tækra žvèrbliu mūši:  
Vèins ont kèta čèrškè bjaurè  
È pešiuojuos baisè žiaurè.  
Kon tēp rēk puo grūši rastè,  
Ka tēp pruota rēk pamestè?  
Kon? To pasakīk!